


Illoqarfiup iluanut pilersaarut E9

Paamiuni innaallagissiorfik nutaaq



Paamiut Kommuneat

Juuni 2005

Matumuuna Paamiut Kommunalbestyrelseata *"Illoqarfiup iluanut pilersaarut E9 – Paamiuni innaallagissiorfik nutaaq"*-mut siunnersuut tamanut saqqummiuppaa.

"Illoqarfiup iluanut pilersaarut E9 – Paamiuni innaallagissiorfik nutaaq"-mut siunnersuut 26.09.2005-imi Kommunalbestyrelsemit akuersissutigineqarpoq, matumuunalu siunnersuut tamanut saqqummiunneqarpoq piffissami:

11.10.2005-mit 22.11.2005-imut

Piffissami tassani pilersaarummut siunnersuut Paamiuni Kommunep allaffiani misissorneqarsinnaasunngorlugu saqqumitinneqarpoq. Aammattaaq siunnersuut Naalakkersuisunut nassiunneqarpoq.

Piffissami tassani siunnersuummut oqaaseqaatinik nassitsisoqarsinnaavoq. Taakku kingusinnerpaamik xx.xx.2005-imi uunga nassiunneqassapput:

**PAAMIUT KOMMUNEAT
TEKNIKKIMUT & AVATANGIISINUT INGERLATSIVIK
POSTBOKS 93
3940 PAAMIUT**

Siunnersuutip "Kommunep pilersaarutaanut tapiliut nr. 2 – Immikkut siunertanut immikkoortortaq nutaaq E9"-p tamanut saqqummersinneranut atatillugu pilersaarummut siunnersuut tamanut saqqummersinneqarpoq.

1. NASSUIAAT

1.1 Illoqarfiup iluanut pilersaarutip imaa

Illoqarfiup iluanut pilersaarut marlunnik immikkoortortaqrpoq:

- *Nassuiaat*, illoqarfiup iluanut pilersaarutip suuneranik, pilersaarutillu suliarineranut aqquusaagassanik nassuiaasoq. Tamatuma saniatigut pilersaarutip tunngavigisaanik siunertaanillu, pilersaarutip pilersaarusanut allanut attaveqarneranik aammalu pilersaarummut inatsisitigut sunniutinik nassuiaat imaqarpoq.
- *Malittarisassartai*, tassani illoqarfiup iluanut pilersaarutip immikkoortortaata siunissami atugaanissaanut sanaartorfissaanullu malittarisassat atuuttussat aalajangersarneqarlutik. Immikkoortumiipputaaq akuersissuteqarneq, pilersaarutip Kommunalbestyrelsemut saqqummiunneqarlunilu akuersissutigineqarneranik uppersaataasoq.

1.2 Illoqarfiup iluanut pilersaarut suua?

Illoqarfiup iluanut pilersaarummi Kommunalbestyrelsep immikkoortup erseqqinnerusumik killilersugaasup siunertanut sunut atoqqusaaneranut aammalu immikkoortumi sanaartukkat, aqqusernit assigisaallu qanoq ilusilersorneqarnissaanut malittarisassiat aalajangersaavigai.

Illuliornertut imaluunniit sanaartukkanut angisuunut imaluunniit pingaarutilinnut nunaminertamik inniminniisoqannginnerani pilersaarusionermut inatsisit najoqqutaralugu illoqarfiup iluanut pilersaarusionissaminut Kommunalbestyrelse pisussaataivoq. Tamatumunnga siunertaq tassaavoq ilaatigut pilersaarusionermik tunngaveqartumik illoqarfiup ineriartortinnerata isumannaarnissaa, ilaatigullu innuttaasut kommuneq pilersaarusioneranut ilisimatinneqarlutillu sunniivigeqataanissaanut periarfissiinissaq.

Taamaattumik illoqarfiup iluanut pilersaarutip atuutilinnginnerani Kommunalbestyrelsep illoqarfiup iluanut pilersaarummut siunnersuut minnerpaamik sap. akunnerini arfinilinni tamanut saqqummiuttussaavaa, taamaalillutik innuttaasut, pisortat qullersaqarfii soqutiginnittullu pilersaarummut siunnersuummut oqallissinnaallutillu oqaaseqaatinik nassitsisinnaaniassammata.

Tamanut saqqummiuviusup kingorna oqaaseqaatit takkussimasut Kommunalbestyrelsep naliliiffigai, pilersaarumnullu siunnersuutip allanngortittariaqarnera isummerfigissallugu. Tamatuma kingorna Kommunalbestyrelsep siunnersuut naggataarutaasumik akuersissutigissavaa.

1.3 Illoqarfiup iluanut pilersaarutip tunuliaqutaa

Paamiuni nukissiorfiusoq teknikkip tungaatigut pisoqaavallaalerlunilu nungullarnikuuvoq.

Tamanna tunuliaqutaralugu innaallagissamik kiassaanermillu pilersuisussamik nutaamik innaallagissiorfiliortoqarnissaa aalajangiunneqarpoq. Innaallagissiorfiup teknologii nutaaliaq tunngavigissavaa, taamaalilluni pilersuineq naammassiuminarluarlunilu avatangiisinut annikitsuinnarnik sunniuteqassalluni.

Taamaattorli imermik nukissiorfittut, illoqarfimmut qanittutut nutaatut, imaluunniit illoqarfimmi inukissiorfittut dieselitortutut nutaatut sanaartortoqarnissaa suli aalajangiunneqanngilaq.

Maannakkulli nutarsaanermik pilersaarummi matumani aqquusaagassatut siullertut nutaamik innaallagissamik pilersuiviliortoqarnissaanik pisariaqartitsisoqalereerpoq. Ingerlatsivik innaallagissamik pingaarnerpaatut pilersuivittut atuuttuusinnaassaaq, aaqqissutissaq atuuttussaq pillugu aalajangiinissap tungaanut. Aaqqissutissaq nassaarineqarpat, imermillu nukissiorfik imaluunniit nukissiorfik dieselitortoq sanaartorneqarluni innaallagissamik pilersuiffittut ingerlatsivik pilersuivittut ingerlatsivittut sillimmatinngortinneqassaaq.

Taamaattumik imermik nukissiorfimmik sanaartornissaq aqqissuutissatut atuuttussatut aalajangiunneqanngippat innaallagissiorfik nutaaq nukissiorfittut tamakkiisumik sanaartorneqarsinnaasunngorlugu immikkoortortamut inissinneqassaaq.

Taamaattumik naatsorsuutigineqarpoq,

- nukissiorfik nutaaq immikkut ittunik, teknikkimut tunngasunik siunertaqanut immikkoortumi sanaartorneqarnissaa, taamaalillutik illut sanaartukkallu allat mingutsitaanermik sunnertiasut minnerpaamik akornusersorneqassallutik, aamma
- innaallagissamik pilersuivittut ingerlatsivik avatangiisit tungaatigut akuerineqassasoq, naak akuersissuteqarnissamik piumasaqarfittut nalingit killissarititaasut ataanni pilersuigaluartoq.

Tatsip imeqarfiusup aamma Jacob Severinip Aqqutaata eqqaani immikkoortortap inissiaqarfiusup akornanni immikkoortortaq pitsaanerpaasutut tikkuarneqarsimavoq, tamaani alliliinissamut periarfissaqarluarmat aammalu inissianik sanaartukkanut tasermullu imeqarfiusumut ungasissuseqarluarmat, taamaalilluni nipiliornermik putsumillu ajornartorsiutit anigorneqarsinnaallutik.

Sanaartukkap ilusilernissaa pujoorfiullu angissusissaa atuutsitassat suli aalajangerneqanngillat, kisianni figur 1-imi takutinneqartupajaatut illup inissisimaffia ineqqortussusaalu naatsorsuutigineqarput. Sulilu pujoorfiup inissisimaffiligassaa suli isummerfigineqanngilaq, naatsorsuutigineqarporli pujoorfik 30 meterit missaannik portussuseqalerumaartoq.




Fig. 1 – Innaallagissiorfiup iluseriligarisinnaasaa

1.4 Illoqarfiup iluanut pilersaarutip siunertai

Taamaalilluni illoqarfiup iluanut pilersaarutip siunertarai isumannaassallugit:

- Paamiuni nukissiorfimmit kiassarnermik pilersuineramik pilersaarutaasutut nutarsaanermi sanaartornermilu aqquusaagassap siulliup, 1. etapep piviusunngortissinnaanera,
- innaallagissamik pilersuivittut ingerlatsivik nutaaq immikkoortortami siunertanut immikkut ittunut inissinneqassasoq, taamaalillutik sanaartukkat nipimik putsumillu ajornartorsiuteqarfiutinnagit, aamma
- innaallagissiorfiup nukissiorfittut tamakkiisumik sanaartornissaanut periarfissaq.

1.5 Illoqarfiup iluanut pilersaarutip pilersaarutaasunut allanut attaveqarnera

Illoqarfiup iluanut pilersaarut kommunep pilersaarutaanit pingaarnerutitamit unioqqutitseqqusaanngilaq.

Immikkoortortaq innaallagissiorfiup nutaap sanaartorfissaatut pilersaarutaasoq kommunep pilersaarutaanut ilaangimmat Paamiut illoqarfianut kommunep pilersaarutaata iluserititaa allineqassaaq, taamaalilluni illoqarfiup iluanut pilersaarutip immikkoortortaa kommunep pilersaarutaanut ilaatilerlugu.

Taamaattumik illoqarfiup iluanut pilersaarummut siunnersuutip tamanut saqqummersinnera ilutigalugu *"Kommunep pilersaarutaanut tapiliut nr. 2 – Immikkut siunertanut immikkoortortaq nutaaq E9"*-mut siunnersuut, immikkoortumik kommunep pilersaarutaanut ilanngussaqaarnissamik siunnersuuteqarfiusoq tamanut saqqummiunneqarpoq.

Illoqarfiup iluanut pilersaarutip atuutilinnginnerani kommunep pilersaarutaanut tapiliut Kommunalbestyrelsemik akuersissutigineqassaaq, taannalu Naalakkersuisunit akuersissutigineqqaassalluni.

1.6 Illoqarfiup iluanut pilersaarutip inatsisitigut sunniutai

Illoqarfiup iluanut pilersaarutip immikkoortup erseqqinnerusumik killilersugaasup siunissami atorneqarnissaa naleqqussarpaa. Illoqarfiup iluanut pilersaarummut siunnersuutip tamanut saqqummiunneqartup oqallisigineqarnissaa isumannaarniarlugu *inatsisitigut sunniutaagallartut* aalajangersaavigineqarsimapput.

Illoqarfiup iluanut pilersaarut naggataarutaasumik akuersissutigineqarpat *inatsisitigut sunniutaasutut aalajangiussat* atuutilersarput.

- *Inatsisitigut sunniutaagallattut.* Illoqarfiup iluanut pilersaarummut siunnersuutip immikkoortortaata killingata iluani sammisanik innuttaasut pilersaarusionermik sunniuteqarnissaanik ajornartorsiortitsisunik, imaluunniit illoqarfiup iluanut pilersaarutip atuuttunngortussap imarisaanik sioqquillsilluni suliarinnittunik aallarniisoqaqqusaanngilaq.

Oqaaseqaateqarsinnaanermut piffissarititap naanerata kingorna pissutsit immikkut ittut atuutsillugit sammisanik, illoqarfiup iluanut pilersaarutip malittarisassiaanik malinnittunik akuersissuteqartoqarsinnaavoq.

Inatsisit malillugit sammisat pioreersut taamaatsillugit ingerlatiinnarneqarsinnaapput.

- *Inatsisitigut sunniutaasut aalajangiussat.* Illoqarfiup iluanut pilersaarutip akuerisaasup immikkoortortaata killeqarfiata iluani sammisanik illoqarfiup iluanut pilersaarutip malittarisassaanik unioqqutitsisunik aallarniisoqaqqusaanngilaq.

Pissutsit immikkut ittut atuutsillugit allannguutaasunut pingaaruteqaannginnerusunut immikkut ittumik akuersissuteqartoqarsinnaavoq. Allannguutaasut pingaaruteqarnerusut suliarineri sioqqullugit nutaamik illoqarfiup iluanut pilersaarusiortoqarnissaanik piumasaqaatqartoqarpoq. Immikkut ittumik akuersissuteqarnerit sanilinut sunniuteqassasutut nalilerneqarpata akuersissuteqarneq sioqqullugu minnerpaamik sap. akunnerini marlunni sanilerisat apersuiffigineqqaassapput.

Inatsisit malillugit sammisat pioreersut taamaatsillugit ingerlatiinnarneqarsinnaapput.

2. ILLOQARFIUP ILUANUT PILERSAARUTIP MALITTARISASSARTAI

Nunaminertanik atuineq aamma pilersaarusiorneq pillugit Namminersornerullutik Oqartussat Nalunaarutaat nr. 23, 18. novembari 1992-imeersumi (kingusinnerusukkut allannguutit ilanngullugit) §18 najoqqutaralugu illoqarfiup iluanut pilersaarummi immikkoortumut pineqartumut malittarisassat makku aalajangersaavigineqarput:

§1 Illoqarfiup iluanut pilersaarutip siunertaa

1.1 “Illoqarfiup iluanut pilersaarut E9 – Paamiuni innaallagissiorfik nutaaq” siunertaqarpoq makkuningga isumannaanissamik:

- Paamiuni nukissiorfimmit kiassarnermik pilersuisumik pilersaarutaasunut nutarsaanermi sanaartormermilu aqquusaagassap siulliup, 1. etapep piviusunngortissinnaanera,
- innaallagissamik pilersuivittut ingerlatsivik nutaaq immikkoortortami siunertanut immikkut ittunut inissinneqassasoq, taamaalillutik taseq imeqarfiusoq aamma sanaartukkat sanianiittuusut nipimik putsumillu ajornartorsiuteqarfiutinnagit, aamma
- innaallagissiorfiup nukissiorfittut tamakkiisumik sanaartornissaanut nunaminertamik naammattumik inniminniisoqassasoq.

§2 Immikkoortup killilersornera

2.1 Illoqarfiup iluanut pilersaarutip immikkoortortaa figur 2-mi takutinneqartutut killeqarfiligaavoq.

§3 Immikkoortup atugaanera

- 3.1 Immikkoortoq taamaallaat siunertanut immikkut ittunut, innaallagissiorfittut, nukissiorfittut taakkununggalu ingerlatsivittut atugarineqartunut atorineqassasoq.
- 3.2 Immikkoortumi taamaallaat suliffeqarfimmut illunik sanaartortoqarsinnaavoq imaluunniit iluarsaassisoqarsinnaavoq (nipimik aamma putsumik ajornartorsiutinut tunngatillugu) sanaartukkanut mingutsinneqarnermik sunnertiasunut (inigisat assigisaallu) isumannaatsumik ungasissuseqartillugit inissinneqartunik.
- 3.3 Immikkoortumi illunik najugaqarfinnik sanaartortoqassanngilaq imaluunniit iluarsaassisoqassanngilaq.

§4 Sanaartukkat

- 4.1 Atortussianik qalipaatinillu toqqagaqarneq sanaartormermut atatillugu nunaminertamik atugaqarnissamik inniminniinermut atatillugu kommunalbestyrelsemit akuersissutigineqassaaq, aallaavigalugu atortussianik qinngornernik uterteqqitsisunik imaluunniit qalipaanic sakkortuunik silami iikkanut imaluunniit qaliamut atuisoqassannginnera pissutigalugu.
- 4.2 Kommunalbestyrelsep akuerseqqaarnerata kingorna allagartalersuineq ussassaaruteqarnerlu pisinnaapput.

§5. Aqqusernit aamma pisuinnaat aqquataat, kiisalu biilnik inissiisarfii

- 5.1 Immikkoortup kangiani Jakob Severinip Aqqutaatigut immikkoortumut angallanneq taamaallaat pisinnaavoq.
- 5.2 Nunaminertap atornqarnissaanut biilnik inissiisarfii pisariaqartinneqartutut amerlassusillit sanaartorneqassapput, taamaalilluni Jakob Severinip Aqqutaani biilnik inissiisartoqannginniassamat.

§6. Ungaluukkat aamma nunaminertat sanaartorfiunngitsut

- 6.1 Kommunalbestyrelsep nunaminertat ungalugaleqqusinnaavai. Ungaluukkat portussusaat sanaartornerilu Kommunalbestyrelsemit aalajangiunneqassapput.
- 6.2 Nunaminertat sanaartorfiunngitsut isumannaarneqassapput isikkuilu eqqiluutsuutinneqassallutik imaluunniit nunaannartut iluseqartinneqassallutik.
- 6.3 Nunaminertat sanaartorfiunngitsut naaneqarfii imaluunniit nunataata qaava qaartiterinerit sanaartornermilu suliat pissutigalugit aserugaasimasut ilusaannut uterteqillugit suliarineqassapput.

§7. Imeq maanngaannartog

- 7.1 Nunap qaani imeq, tassunga ilanngullugu qaliameersoq, kussinernut imaluunniit pissusissamisoortumik kuuttarfiusinnaasumut kuutsinneqassaaq, taamaalilluni pisortat aqquserminut, nunaminertanut sanaartorfiunngitsunut, il.il., ajornartorsiutinik pinngortoqartigagu.
- 7.2 Imeq errortuutikoq pisortat kussiniliaannut kuutsinneqassaaq.

§8. Sanaartukkat nutaat atugaalernissaannut piumasaqaatit

- 8.1 Akuerisaasumik nunaminertamik inniminnerneqarnermut tunngavigisatut piumasaqaatit makku atuutissapput:
 - Biilini inissiisarfii pisariaqartinneqartut pilersinneqarsimassapput, malittarisassaaq 5.2 naleqqiuguk.
 - Nunaminertat sanaartorfiunngitsut ilusaannut uterteqillugit suliarineqarsimassapput, malittarisassaaq 6.3 naleqqiuguk.

AKUERSISSUTIGINEQARNERA

"Illoqarfiup iluanut pilersaarut E9 – Paamiuni innaallagissiorfik nutaaq"-mut siunnersuut tamanut saqqummiunneqarnissaa Paamiut Kommunalbestyrelseanit 26.09.2005-imi akuerineqarpoq.

Borgmesteri Lars Sørensen

Kommunaldirektøri Siverth Amondson




Fig. 2 – Illoqarfiup iluanut pilersaarutip immikkoortua